

A duhet të paguajnë prindërit për regjistrimin e lindjes së fëmijës?

Nëse lindja registrohet brenda afatit që parashikon ligji (45 ditë):

- nuk ka asnjë pagesë


Nëse lindja **nuk** registrohet brenda afatit atëherë prindërit e fëmijës duhet të paguajnë :

- shpenzime gjyqësore;
- shpenzime për avokatin (nëse marrin avokat);
- gjobën prej 2000 (dy mijë) lekë pranë Zyrës së Gjendjes Civile.

Pse është i rëndësishëm regjistrimi i lindjes?

Regjistrimi i lindjes është shumë i rëndësishëm pasi iu jep mundësi fëmijëvë dhe çdo shtetasi të kenë:


- IDENTITET përmes fitimit të shtetësisë, emrit dhe mbiemrit
- ARSIMIM falas
- SHËRBIMI SHËNDETËSOR falas
- PUNËSIM
- LEVIZJE të lirë
- PJESËMARRJE në jetën politike
- STREHIM
- SHËRBIME SOCIALE



Nëse ju kërkonи informacione të mëtejshme ose këshillime
Ju lutem na kontaktoni në :

SHËRBIMI LIGJOR FALAS TIRANË
Rruga "Sami Frashëri",
4 kullat seksioni III, Ap 1A
Tiranë, Shqipëri
Tel: 00 355 4 253 114
Tel/Fax: 00355 4 258 442
www.tlas.org.al

TLAS



**Regjistroni
Fëmijën Tuaj**

Financuar nga **UNICEF**



Çfarë është e drejta për regjistrim?

E drejta për t'u regjistruar është një e drejtë themelore e të gjithë shtetasve pa dallim race, ngyre, gjuhe, feje, gjinie, që ka si qëllim regjistrimin e tyre në regjistrat e gjendjes civile. Akti i regjistrimit të lindjes është dokumenti zyrtar femijës, pa të cilin femijët nuk mund të përfitojnë nga të drejtat dhe liritë ekonomike, politike, nga shërbimet shëndetësore, arsimore etj.

Cilët janë instrumentet ligjorë që e mbrojnë të drejtën për regjistrim?

E drejta për regjistrim ka karakter universal prandaj ajo mbrohet nga instrumentë ligjor ndërkontinentare dhe kombëtare.

Instrumenti ligjor më i rëndësishëm që e sanksionon dhe e mbron këtë të drejtë është Konventa për të Drejtat e Fëmijëve, konventë e cila është ratifikuar nga Republika e Shqipërisë, dhe ka gjetur pasqyrim në legjislacionin vendas siç është Kushteta e Shqipërisë dhe Ligji "Për Gjendjen Civile".

Brenda çfarë afati duhet të regjistrohet lindja e një fëmije?

Ligji parashikon që regjistrimi i lindjes duhet të bëhet brenda 45 ditëve nga dita e lindjes së fëmijës.

Cilët persona mund të regjistrojnë lindjen e fëmijës?

Regjistrimi i lindjes së fëmijës mund të bëhet nga:

- prindërit;
- pjesëtarët madhorë të familjes;
- përfaqësuesit ligjorë ose kujdestarët;
- në pamundësi ose në mungesë të personave të përmendur më lart, nga personat që kanë të drejtë të vërtetojnë lindjen .

Ku duhet të regjistrohet lindja e fëmijës?

Lindja duhet të regjistrohet pranë:

- Zyrës së Gjendjes Civile ku kanë vendbanimin prindërit;
- Zyrës së Gjendjes Civile ku ka ndodhur lindja.

Çfarë dokumenti duhet të paraqesë prindi për të regjistruar fëmijën?

Kur prindërit apo çdo person tjetër që lejon ligji paraqitet pranë Zyrës së Gjendjes Civile për të regjistruar lindjen e fëmijës duhet të paraqesin certifikatën e asistencës së lindjes, të lëshuar nga institucioni ku ka ndodhur lindja.

Certifikata e asistencës së lindjes vërteton lindjen si fakt, kohë, vend, seks e mëmësi.

Çfarë ndodh nëse lindja nuk regjistrohet brenda afati 45 ditor?

Nëse lindja nuk regjistrohet brenda afatit 45 ditor, atëherë lindja duhet të konfirmohet në gjykatë, me anë të një procedure të caktuar gjyqësore dhe më pas lindja regjistrohet në Zyrën e Gjendjes Civile. Përveç procedurës gjyqësore, personat që bëjnë regjistrimin e fëmijës duhet të paguajnë një gjobë prej 2000 (dy mijë) lek pranë Zyrës së Gjendjes Civile.

Por nëse lindja e fëmijës nuk ndodh në institucion?

Në rast se lindja e fëmijës nuk ndodh në institucion atëherë procedurat për regjistrimin e lindjes do bëhen përmes gjykatës.

Cili do jetë mbiemri që do të marrë fëmija në çastin e regjistrimit?

Nëse prindërit e fëmijës janë të martuar:

- fëmijës i vihet automatikisht mbiemri i përbashkët i prindërve;
- ose i të atit (në rast se prindërit kanë mbajtur pas martese mbiemrat e tyre).

Nëse prindërit e fëmijës janë të pamartuar:

- fëmijës i vihet mbiemri i vajzërisë së nënës;
- kur i ati i fëmijës e njeh fëmijën atëherë fëmijës mund t'i vihet mbiemri i të atit.